

吉林府縣志輯

中國地方志集

光緒奉化縣志  
光緒奉化縣志  
民國奉化縣志  
民國奉化縣志  
民國奉化縣志



創修奉化縣志序

蓋自西漢書有地理志後世遞相祖述於是郡各有紀邑各有乘夫亦史家之支流餘裔所以備掌故  
資法守旌淑慝寓勸懲實大有裨於官與民者故雖最爾邑不可以無志彰彰也奉邑久屬蒙疆自  
明季迄國初游牧所在居人鮮少嘉慶初迺奉

旨拓墾至光緒戊寅始設縣治適震承乏茲土數年來經營創作於興利除弊諸端規模亦粗具焉然其  
地草昧初開僻陋禮教人文漸起既解絃歌所宜獎掖誘勸每思創修縣志庶士民得所觀感嘗與  
趙後村學博雅有同志而亟亟者平弗皇也嗣聞

幾南陳見三明經為安州宿儒品望才名久播時譽其為文章簡古純粹不求苟悅於世年近五十未  
得博一第猶從辟書為人之佐乃於辛巳歲延聘課兒子讀相得甚歡竊謂修志一事可以得所假手  
矣因以慕修澆之陳君慨然許可不期次年春予卸任去亦竟不果癸未冬得復任仍掃榻以待

陳君惠然偕來適余鄉章潤山明府亦不棄佐余幕並亟以修志事相懇懇余曰時哉時哉其不  
可失矣十年正月爰召紳士集耆老舉酒以屬之採訪故實俱各欣欣有喜色而陳君乃親洽士  
類周爰咨諏編索兵農勞形業贖或筆鐙午夜兀坐攤書或足馬荒城豪情訪古其精神意興又窳覺  
勃然躍如用是分門而別族援古以證今泝其源流經緯史著為論說通德類情每成卷輒與予處

# 中國地方志集成

吉林府縣志輯 ⑨

光緒奉化縣志

光緒奉化縣鄉土志

民國藥樹縣志

民國梨樹縣志

民國奉天省洮南縣志略

光緒開通縣鄉土志

鳳凰出版社 ● 上海書店 ● 巴蜀書社

心孜孜孜孜志倦故甫閱寒暑今書過半矣而予適有升任

興京廳之行乃遂携稿來續而輯之今春始得歲事且夫天下事必有可因依而後得所措乎耳若奉志則事本創始賦等子震求之文獻文獻無徵也攷之古蹟古蹟難信也而卒得卷次鱗集泐為一書與古為新瞭如指掌詳畧有法筆削至公文辭既不涉浮誇事迹惟求其簡白藉非 陳君之學優品粹竭憲彈精又烏能出此我奉之人士即其清微曲折之筆得其殷憂勸戒之心亦可以奮然興矣而後之官斯土者豈指予為妄哉書既成乃謀以付梓 震竊喜素志終償又喜 陳君之善於刻俗而先得我心也於是乎書時在

光緒十一年歲次乙酉仲春

興京撫民同知前奉化縣知縣武林錢開震少如氏謹序

奉化縣志序

粵稽古今信史惟有春秋春秋一書上以維王綱於不墜下以端風化於無窮者也顧當麟筆未索以前亦與晉乘楚禱相伯仲而其獨卓越千古昭垂萬世者非

宣聖筆削之功不至此是蓋史不足貴必賴有作之者乃足貴作之者亦不虛為貴必賴作之者字凜風霜義炳日月乃足貴耳歷代以來史不絕書而核其辭意謹嚴不涉浮夸惟紫陽綱目為最紫陽以下能體綱目之旨運春秋之法惟稼書陸公所作之靈壽志猶為近古獨是前之志每因事以成文後之志賴借文以紀事前之志事有可紀而文易成後之志文無可考而事難紀矧奉邑地適初創縣亦初立借王荒之區廣

聖朝之化其俗則蒙民雜處其事則文獻闕如其古蹟則絕無存留其新進則多非原籍當此之時欲創造邑乘昭示來茲誠憂憂乎難哉然而事可因不妨自我作古業終當建湏念有開必先幸明府錢公政柄縣堂博士陳君鐸振師席合德同心思深慮遠恐當前弗為之紀載至後日益鮮所考徵爰集紳耆廣採訪崇忠孝重節義劃野分星類族辨物在邑則衙署學校在鄉則里社市鎮表封疆以山川述登進於選舉以及人瑞之家世歲序之災祥莫不備載而靡遺焉至於鑲風彫月題景賦詩凡無關於民風治道概不收錄慘淡經營煞費匠心雖顯以稼書為師承實隱以麟經為祖述認歟鑠哉非

錢公之勵精圖治不能宏此遠謨非 陳君之博學鴻才亦未能構此巨觀也後之蒞茲土者庶可一覽之餘際如指掌即續為刪訂亦不復茫無涯岸矣書既成乃下問於余余自慙學淺識陋何敢妄贊一辭特以知己之雅義不容違因不揣冒昧而為之序時

光緒十年秋九月

奉化縣訓導趙萬泰撰

創修奉化縣志職名

總修

欽加運同銜

賞戴藍翎

興京德民同知

前奉化縣知縣

參閱

奉化縣訓導咸豐辛亥

恩科舉人清豐趙萬泰

欽加五品銜分發直隸候補知縣

會稽章國治

協理

欽加六品銜候補巡檢署奉化縣典史 臨榆應 壇

欽加六品銜 正 任 奉化縣典史 鄭州任鳳林

纂修

分發山東候補府經歷優行廩貢 安州陳文焯

總校

光緒 壬午 科 副 貢 仁和錢宗昌

襄校



任 邳 縣 附 生

高嘉和

候 選 府 經 應 祥 符

章 煒

太 學 生

路 槐 鄉

採 訪

貢 生

林 萬 春

生 員

王 肇 岐

生 員

李 應 辰

生 員

太 史 桂

生 員

李 春 陽

生 員

董 柏 楹

生 員

劉 馨 山

生 員

趙 廷 瑞

生 員

李 松 心

生 員

胡 廷 翰

生 生 生 昌 監 監 吏 戶 禮 兵 刑 工 文 民

圖

員 員 員 府 生 生 書 書 書 書 書 童 人

生

員

高顧清

許鴻觀

張佩文

郭樹藩

孟昭文

路槐卿

閻勝春

馬德馨

李敏

高麟閣

趙華堂

史賡勳

曲桂卿

賀殿寬



騰繕

副

貢

錢宗昌

監

生

路槐卿

繪圖

工

書

唐玉田

督梓

監

生

任

邨

高嘉德

捐修

興京撫民同知前奉化縣知縣錢開震



八

奉化縣志總目

卷之一

志天時 (星野 災祥 時令)

卷之二

志地理上 (沿革 疆域 山川 形勝 風俗 古蹟 勝蹟)

卷之三

志地理下 (集市 社里 戶口 紀事)

卷之四

志建置 (縣治 城池 公署 學宮 壇廟 善局 津梁 官道 壘墓 義

卷之五

志祀典

卷之六

志勳職 (前勳 今職)

卷之七

志人物上 (前哲 鄉型)

卷之八

志人物下 (孝義 流寓 列女)

卷之九

志選舉 (進士 貢生 封蔭 例貢 仕進 人瑞 武職)

卷之十

志兵賦 (兵制 舖司 客軍 地局 稅則)

卷之十一

志物產

卷之十二

志藝文上

卷之十三

志藝文下



卷之十四

志雜錄

卷之末

補遺

志餘



清江雜錄

## 奉化縣志凡例

一直隸靈壽縣志係先儒當湖陸氏秉筆詳略有法論義尤精為向來纂志者所取法茲志中綱領條例雖略有通變而一切取舍斷制則悉以為宗

一直隸臨榆縣志例謂志者史之一體縣志一書凡所紀載皆志也若再別其篇目曰某志似志之中又有志矣所論實為近理今節取之於每卷標目改某志曰志某則仍通卷皆志之意無並脚語病矣若他志徑改曰編曰書曰略似皆覺有未安姑舍焉

一奉邑邊地荒寒風高氣冽於民生大有關係故將氣候特為著之如廣東曲江志之例云

一奉化僻在邊塞久屬蒙疆文殘獻闕雖不同無徵之紀宋而歷代封建沿革較腹地直指確鑿為難茲考遠金元三史參以明史諸書存其段落大略以供後之君子

一靈壽志謂土瘠民貧居官者知此然後不敢以紛更聚斂為事土著者知此然後不敢以侈靡爭競為能今奉邑僻在邊荒土之瘠民之貧殆有過之無不及也故特師其意以為全志綱領

一郡邑志例有六景八景多屬湊合靈壽志準曲陽志並州之其言當知山川源委沾沾於景仰末矣况又牽合乎洵為名論不刊今宗之將舊所同擬斷割不載

一奉邑泉水或無名或隨口呼道多鄙俗不雅今準懷仁新志例半為更定村社為未暇及之亦宜

便俗故也

一靈壽志例謂天下通行如 文廟儒賢位次簋豆牲帛之數儀注祭文詳在會典者俱不載又言  
闢邪崇正為政大防故佛老寺觀概不敢載今志遵之

一前代名宦志中祀典所宜載以奉邑名宦祀尚未建且未請 命於  
職官之前鄉賢亦如此例 朝也姑闕之先載書

一凡前代賢哲史有列傳者揭其要錄之如典禮詳會典者不錄之例而特書詳見某史以表之

一國朝勲節忠義官則書前代勲封之後兵勇則記本邑人物之後集隘不及分門者各附其類  
而已

一向來志例無論官紳不載近人近事蓋一則避嫌一則本不能論定故也奉化僻在遐荒開創伊始  
始凡事之首自何人設自何官勢不能不志緣起人物必皆論定則濡筆鮮有可書異以昭勸今  
並準懷仁新志例通變起義從權附書識者當無議焉

一志人物並從權附書本以用勸今於每姓氏下分註舉者某某俾之觀仁摩義不愈善乎是則又  
緣起例無嫌於創他類則無庸瑣瑣也

一列女節烈之外兼收名媛体本正史非錯雜也茲做天津志例並錄之

一自來生監不載志乘今奉邑建置未及十載初闢草昧其彬彬習禮易俗移風今時砥礪並捐職等一概附錄用資觀感識者諒之

一藝文凡風雲月露之篇無關於地方利病建置與人心世道者俱不載亦準靈壽志例也  
一藝文向不載近人文作所以防濫抑或美不勝收也但靈壽志有關建置與人心風俗者雖近亦載則各有其義矣今懷仁縣志亦言選荒本少文士豈登載章以爲前路之道茲悉本此以權錄云

一每卷前後各有序論體倣正史他志類然而靈壽志尤論說層疊至隨筆所記不成論者皆以按字冠之蓋切刀刊勸苦心為分明也今悉倣焉

陳文焯識

